

дания звонцов тех человечески ум восхитится. На четвертое надесять лето похваляется<sup>1</sup> на всякие звери без оружия ездить. И нача отца своего нудити и стрьев, отец же его нача бранити: Чадо! рано тебе о ловех мыслити. И повеле милостивником своим кони седлати и на лов ехати с юношами съверзниками. Людие же града того многие поидоша на лов смотряти, преславнаго того чудеси, коко<sup>2</sup> сей юноша млад хощет над зверми дерзость показати. Отец же его и стрьеви начаша зайцов и ловити. Преславный же Девенги<sup>3</sup> посмеяся им: Яко нет зверей, ловят зайцов введе их в далнюю пустыню, в дрязг. И слесе<sup>4</sup> с коня своего и нача [л. 180 об.] по пустыни ходити, виде лося бегуща, и нагна его пес, яко борзее своего фарисея<sup>5</sup>. И нагна и ухвати его за задние ноги, и раздра его надвое и влече его на руку, иде пустынею, видя бегуща медведи разъемлюща челюсти. И догнав, и ухвати его и согнете его лохтями, из медведя чрево все вышло. Видев же то, отец его и стрьеви удивившася, что же сотвори ему бог юношу и подав ему силу и храбрость. Люди же многие стояху и дивляхуся. В поле же виде отец его и стрьеви из густаго лесу ис тростию бегуща лютаго зверя разъемлюща челюсти и хотяше поглотити юношу. И рече отец его: Чадо мое Девенги<sup>6</sup>, пометаи мертвыя звери, живая на тя бежит, зверь хошет тя поглотити, то есть ни лось не медведь. С великою обороною приступив, виде же юноша лютаго зверя, и ухватив меч и поточи<sup>7</sup> ему встречу и удари его мечем в главу, и разсех его надвое. Видев же то, отец и стрьеви радости<sup>8</sup> быша. И поцеловав отец его во уста и во очи и во уши, каково дарова ему бог такова отрока и подаст ему силу на<sup>9</sup> всеми храбрыми и сильными. И рече отец сыну своему: Светозарное солнце [л. 181] преславный Девенги<sup>10</sup> от пуду<sup>11</sup> зверину и от хля медвяжьа порты на тебе изружились<sup>12</sup>. Поидем ко источнику, есть в сей пустыни источник воды, в нем аки свеща сияет, но прич<sup>13</sup> людей не может к нему никто приити. Ныне, чадо, сам тебе своима руками омыю лице и руде и нозе. Видев же то граждане поидоша зрети предивнаго того чудесе. Преидоша<sup>14</sup> же они ко источнику нача отец лице и руде и нозе омывати. Руде<sup>15</sup> им Девенги<sup>16</sup>: Руде мои моет, а еще же им колым<sup>17</sup> быти. По мале же времени прилете зми<sup>18</sup> ко источнику тому, имеяи у себя яко человечески главы четыре. Видев же то преславны Девенги<sup>19</sup> и взя меч и поскочи против змия и удари его мечем и отнял ему все главы прочь. Видев же то царь о<sup>20</sup> стрьеви и все граждане, и дивившася чудеси его, и нача ево отец снаряжати сам своима руками, положи на него устя<sup>21</sup> драгие портища с сухим златом сканья, а перукавье<sup>22</sup> з драгим мангитом. Юноша же седши на конь свой рекомья на борзы фарь и нача скакати, а конь под ним играти храбро, звонцы доброгласно начаша перугудати<sup>23</sup> [л. 181 об.] и приеде же со отцем своим и стрьеви в дом матери своя<sup>24</sup>, начаша же мати его радоватися видев же<sup>25</sup> сына своего и любезно целовати и с той поры нача Девенги<sup>26</sup> помышляти всегда о ловех. И<sup>27</sup> девенгиееве<sup>28</sup> храбрости пистио<sup>29</sup> како<sup>30</sup> сотворися и посланые<sup>31</sup> Филип поп<sup>32</sup> и Максимиана девица.

<sup>1</sup>пропущено юноша. <sup>1</sup>ош. вместо како. <sup>2</sup>ош. вместо Девгений. <sup>3</sup>ош. вместо слезе. [л. 180 об.] <sup>4</sup>ош. вместо пеш. <sup>5</sup>ош. вместо фаря или фарижа. <sup>6</sup>ош. вместо Девгений. <sup>7</sup>ош. вместо потече. <sup>8</sup>ош. вместо радостни. <sup>9</sup>ош. вместо над.

[л. 181] <sup>10</sup>ош. вместо Девгений. <sup>11</sup>ош. вместо поту. <sup>12</sup>ош. вместо изрудившася. <sup>13</sup>ош. вместо от простых. <sup>14</sup>ош. вместо приидоша. <sup>15</sup>ош. вместо рече. <sup>16</sup>ош. вместо Девгений. <sup>17</sup>ош. вместо калным. <sup>18</sup>ош. вместо змий. <sup>19</sup>ош. вместо со. <sup>20</sup>ош. вставлено. <sup>21</sup>ош. вместо перерукавье. <sup>22</sup>ош. вместо перугудати.

[л. 181 об.] <sup>23</sup>ош. вместо своя. <sup>24</sup>ош. вместо видевше. <sup>25</sup>ош. вместо Девгений. <sup>26</sup>ош. вместо о. <sup>27</sup>ош. вместо Девгениеве. <sup>28</sup>ош. вместо писание. <sup>29-31</sup>ош. вместо сотворили сие послание.